

IX. HERMANNI BOERHAAVE, A. L. M.
*Philosopb. & Med. Doct. Medicinæ in
 Universitate Leidenſi Profess. Colleg.
 Chirurgic. Præf. Reg. Soc. Lond.
 necnon Reg. Scient. Acad. Parisiensi. Soc.
 de MERCURIO Experimenta.*

PARS II. *

Observationes de Mercurio quasdam anno præterito conscripsi, quibus constituit argentum vivum, quamvis continuo se in alia corpora mutare videatur, propriam, per quam immutabile est, facultatem miro modo retinere. Hasce Literatæ, quæ in Anglia sub Britannici Regis floret auspiciis, Societati obtuli Observationes; et ultra spem meam dignæ judicatae sunt, quæ inter Acta illustrissimi Sodalitii publicarentur. Unicum in isto Scripto mihi fuit propositum, operationes à me de Mercurio institutas, et quæ ex iisdem producebantur, fidè & accuratè narrare; quo Lectores à labore & sumptu ad easdem repetendas necessariis liberarem. Idem jam quoque mihi est Consilium, ut Academiæ maximis Regis Christianissimi beneficiis ornatæ experimenta, quæ de eadem re perfeci, offerrem. Ambas Dissertationes conferendo, de fide & accurata antiquorum verorumque

* Vide Part. I. Philos. Transact. N° 430. p. 145, & seq. Partem hanc II. in Act. R. Scient. Acad. Parisi. 1734. Gallicè editam, latinè vertit C. M. R. S. Secr.

Al-

Alchemistarum subtilitate in his, quæ de Mercurio dixerint, judicium facere poterimus, videbimusque simul diligentiam magnam prudentiamque necessarias esse ad sensa eorum explicanda, vel ad censuram de iis justè ferendam. Spero etiam Chemicæ studiosos cautos reddere, ne facile decipientur per doctrinam istam vagam Alchemistarum hodiernorum, qui nihil boni vel solidi recte sapiunt, & qui artem non possident aliam, quam qua aurum ipsissimum per fallacias suas extorqueant ab iis, quos adducunt ut credant se posse veram auri conficiendi methodum ipsos docere. Quod de argenti vivi immutabilitate, simplicitate & proprietatibus singularibus antea demonstravi; denique confirmaturus sum. Docto, uti est, Vestro, Sodales, cætui convenit dijudicare de usu & veritate hujus scripti; cui examinando ut momenta aliquot otiosa impendatis, et negotia paulisper remittatis, vos rogo. Scio equidem vobis raro vacare; et brevis esse, quantum potero, conabor. Rem aggredior.

I.

Argentum vivum purum, quale venale pierumque reperitur penes Mercatores Societatis Amstelædamensis, diu digestum super ignem, non mutatur in metallum.

O P E R A T I O.

Hydrargyrus hicce distillatus nullam reliquit fæcem. Deinde admistus aceto distillato, & sali marino, & per diutinum tempus agitatus, purus remansit. Premebam per Alutam; libramque ejusdem altæ mundæ infundebam phialæ, cujus os obturabam cono chartaceo, alia charta ad collum phialæ bene ligata iterum cooperto, quo nullus

nullus pulvis intrare posset, Aër verò liberè ingredetur vel exiret : imponebam Furno ad calorem continuum, qui ad Thermometrum D. Fahrenheyt supra gradum centesimum à 15 Novembris 1718. usque ad 23 Maii 1734. fovebatur. Reperiebam tunc Mercurium hunc in hac phiala fluidum cum pauxillulo pulveris nigri in superficie ; pulvis hicce in mortario tritus in mercurium reviviscebat. Totum hocce Argentum vivum immittebam in Retorta vitrea munda distillandum, augendo ignem versus finem, donec Retorta ferè candida fieret. Nihil omnino remansit in Retorta, Mercurius enim exiverat sine ulla sensibili mutatione.

C O R O L L A R I A.

1. Ignis ad gradum & per tempus supradicta nihil mutat de fluiditate, volatilitate, nec de natura Hydraryri in vas, ubi aer liberè accedit, immisxi: neque ulla facta est separatio puri ab impuro.

2. Nec facta est ulla metalli minima quantitate sensibilis Generatio.

3. Multò minus Argenti vel Auri.

4. Nihil de Mercurio per hanc operationem fixatum est Annos 15 & $\frac{1}{2}$ continuatam ; nec minimum apparuit initium fixationis metallicæ, ne plumbi quidem ; quod tamen, ut aiunt qui se hoc optime scire gloriantur, metallum debet ab hac operatione primum formari.

5. Operatio hæcce nullatenus favet opinioni affirmantium, quòd ex Argento vivo uti materia, & ex igne uti sulphure figente, per digestionem unitis, formentur metalla.

6. Videtur omnino probabile omnes similes cum argento vivo sincero vulgari institutas Operationes nullatenus his, quæ deiis pollicentur Auctores, respondere, cum pauxillum istud pulveris nigri, de quo locutus sum, sit levius Mercurio, cuius superficie supernatat, & facillimè iterum in Mercurium redeat: videte, quæ de simili pulvere nigro è Mercurio per motum solum educto in Act. Philosophic. Regalis Societatis Londinensis, N° 430. dixi.

7. Non constat vivum in fodinis Argentum posse in rem quamcunque Metallicam mutari per actionem solam caloris subterranei per diutinum tempus agentis, & in loco, quō Aér libere accedit. Nam Calor in locis, ubi venæ metallicæ reperiuntur, rarò superat gradum 70^m. Inquiunt quidem opus esse mille Annis ad hunc effectum producendum; quomodo autem homines, ævi adeo brevis, hoc certò scire potuissent?

8. Quoad Sulphur, quod unum esse de principiis metallorum crediderunt Alchemistæ, & de quo dicunt, quod argenti vivi elementa consociet, quò corpus solidum fiat fixumque ad ignis gradum, qui illud fundat, & malleabile reddit; hocce, inquam, sulphur videtur omnino differre à materia ista luminis seu ignis, quamvis ignis solus fit unicum miram hanc inter sulphur & Mercurium unionem producendi instrumentum.

Nihilominus in hac operatione liberè ad Mercurium admittebatur Aér, & diceretur forsan, hoc ipsum esse, quod ignis actionem impedit, eò magis quod afferant Alchemistæ, aëra crudum impedire coctionem sophicam; hoc me ad sequens experimentum, quod recitaturus sum, faciendum induxit.

II.

Argentum vivum per tempus infra memoratum, digestioni in vasis probè occlusis commissum, non producit ullum Metallum.

O P E R A T I O.

Hydrargyrum purum vasi immittebam vitro conico fundi plani, quali ad argenti & auri separationem utuntur Docimastæ, eumque exponebam calori 100 graduum à 6 Decembbris 1732. usque ad 8 Julii 1733. Vase semper obturato, Mercurius nullam notabilem passus est mutationem; accipiebam hujus uncias 6, quas vasi præcedentis simili indebam, inque os ejus inferebam collum phialæ subversæ; vasis non simul lutatis, etum per 4 dies igni arenæ adeo fervido, ut ascendere inciperet Mercurius, exponebam, quo scilicet expellerem totam, quam continere potuit, humiditatem. Cum ne vel minimum superesse mihi videretur humiditatis signum, lutabam exactè locum, ubi ambo vasa coabantur. Mercurium exponebam igni arenæ violento satis, qui eum leniter ascendere descendere cogerebat; hunc caloris gradum usque ad 29 Januarii 1734 continuabam: in fundo vasis nil inveniebam præter Mercurium fluidum pulvere nigro levi & subtili modicè coopertum, nihil fixi, nihil præcipitati, licet aquæ ebullienti proximior esset caloris gradus. Deinde huncce Mercurium transfundebam per mundum sicissimum chartaceum infundibulum, cujus orificium inferius ægerrime crinem transmitteret. Mercurius sincerissimus transiit per foramen istud parvulum; & in parietibus & circum foramen infundibuli mansit pa-

xillum nigri, quod, in Mortario tritum, in Mercurium rediit. Mercurium illum sic depuratum in Retorta vitrea munda distillandum imponebam igni arenæ, & juxta finem igni suppressionis; nihil omnino fixi in fundo Retortæ remansit; aliquantulo fluidius quam antea apparuit Argentum vivum, sed alias nullo modo mutatum.

C O R O L L A R I U M .

Hinc eadem, quæ de præcedenti experimento, concludenda sunt; & si illis, quæ de eadem re in Transact. N°. 430. scripsi, conjungantur, apparebit clarè Argentum vivum naturâ suâ per motus mechanicos, per Distillationes Digestionesque descriptas immutabile esse. Ex hisce omnibus infero, quod Chemistæ abstinere posint ab inutili harum operationum repetendarum labore, quo Mercurium fixare, vel in corpus aliud quodlibet mutare nituntur; iisque insuper consulo, ut diffidant ignaris, multa hujusmodi inepta pollicitantibus, inter quos minus peccant, qui alienis impensis experimenta periclitari conantur.

Experimentorum aliorum, quæ de metallis institui, haud minus quam præcedentia, laboriosorum sequelam declaraturus sum. Diu laboravi, ut certo sciam, an verum sit posse metalla per artem resolvi in Argentum vivum, & in aliud principium; plurimi Auctores adeo distincte & tot in locis hoc affirmant, ut de re ipsa dubitandi nulla mihi videretur causa: Rem credebam fidei istorum Auctorum; sed ut oculis propriis convincerer, testamentum plumbi feci. Clarissimus *Joh. Baptista van Helmont* (potest. Medicam. §. 40.) ait; “ Sensi, inquam, cruditatem Saturni, pin-
“ guedine

“ quedine fixorum salium solubilem, solo quandoque
 “ igne carptim delebilem, sicque dividi compositi
 “ partes, crudumque Argentum vivum currere per-
 “ mitti.” Filius ejus *Franciscus Mercurius van Hel-*
mont dicit, “ Quando plumbum solvitur ab Alcalibus
 “ & Salibus, vel Oleis, quæ Sulphur ad se trahunt,
 “ & id à corpore separant, plumbum hisce modis
 “ mutatur in Mercurium volatilem, fluidum, qui
 “ ignem haud amplius pati potest uti antea, sed fri-
 “ gidus est & fluidus instar aquæ; exuta forma metallica.
 “ (*Vide, The Paradoxical Discourses of F. M. van Hel-*
mont, London, 1685: in 8^{vo}. Part II. §. 22. p. 111. *)
Joachimus Becherus idem affirmat, spondetque suc-
 cessum plurimis, quæ ad hanc rem describit, experi-
 mentis (*vide Collectanea Quingentorum Experimen-*
torum, à p. 310. ad 333). Ecce clarè & breviter quæ
 de hac re, exhibito tædioso maximè & diuturnissimo La-
 lore, didici.

O P E R A T I O.

Solvebam tantum Cerussæ puræ, quantum dissolvi
 potuit, in spiritu nitri ab aqua sextupli ponderis di-
 luto; filtrabam hanc solutionem, quæ clara admodum
 inventa est. Ex hoc liquore vasi mundo vitro in-
 dito, ad calorem lenem inspissato, deinde in loco
 frigido ad quietem reposito, formatæ sunt Crystalli,
 quarum sumebam uncias quatuordecim, quas in mor-

* When Lead is dissolved by Alkalies, and Salts or Oil, which take in the Sulphur, and separate it from the Body, the Lead by this Means becomes changed into a volatile running Mercury, which can no more endure the Fire, as before, but is cold and running like Water, and without a metalline Form.

tario vitreo cum pistillo vitreo in pulverem redigebam. Huncce pulverem in Aqua pluviali purissima solvebam; solutionemque diluebam triplici Aquæ pluvialis quantitate; deinde Solutionem aliam filtratam & clarissimam ex Sale Ammoniaco in Aqua pluviali factam lentè & cautè affundebam: Mistura fit instar Lactis candida, & plumbum statim præcipitatur, uti accidit Argento in Aqua Forti soluto, simul ac admisceatur Sal Ammoniacus. Pulvis in fundo præcipitatus, qui albus fuit Nivis instar, plurima aqua lotus, deinde siccatus, valde insipidus extitit, unciasque 18 cum $\frac{1}{2}$ pependit. Uncias 6 pulveris hujus albi siccique Urinali vitreo mundissimo indebam, infundebamque ad altitudinem duorum digitorum supra hunc pulverem lixivium fortissimum è calce vivâ cineribusque clavelatis confectum, quod in phialâ benè clausâ plures Annos conservaveram: deinde urinale chartâ bibulâ circa ipsius collum bene ligatâ tegebam, ponebamque in furno putrefactionis ad calorem graduum 96. & ibi relinquebam à 6^{to}. Februarii 1732. usque ad 13^m. Augusti ejusdem Anni tentaturus, an hæc mistura Aëri exposta putrefactionis calore mutaretur; nihil inveniebam præter massam albam, quæ salē sapuit redacta in pulverem; quem Retortæ vitreæ luto ex Argilla Arenaque composito loricatae indebam: hanc urgebam igne nudo, donec candesceret, eundemque calorem tres horas continuabam: Ascendit in Retortæ collum albæ fuliginis pauxillum, nihil autem omnino Mercurii, & in fundo remansit Materies fragilis semivitrificata colore cinereo; hanc redigebam iterum in pulverem ejusdem coloris, quem in Mortario cum Salis alcalini fixi calcifque vivæ lixivio diu conterebam, siccabamque iterum igni lento; novum Alcali affundebam, calorique 96 graduum

graduum à 18^{mo}. Augusti 1732. usque ad 15 Octobris 1733. exponebam, terendo quotidie in mortario vitro, in quo continebatur, quod charta solummodo tectum Aerea liberum admittebat. Erat tunc albus siccus & acer pulvis; qui post idem Lixivium denuo affusum, tritus in pastam redigebatur; putrefactioni objiciebam, uti suprà, saepius terendo, à die supra memorato usque ad 21^m. Februarii 1734. Tunc erat massa salina, alba, marinique salis savori proximior. Postquam trita esset, & Aquâ probè lota lentissimeque siccata, pulverem inveni album insipidissimum; Retortæ immittebam, quam retinebam per plures horas in igne maximo, quem pati potuit vitrum lutatum: 20^{mo}. Maii 1734. nullus exivit Mercurius; collum retortæ tinctum est diversis coloribus; massa, quæ in fundo mansit friabilis, exhibuit etiam colores diversos laminatim dispositos, & uncias 5 cum drachmis 6 & $\frac{1}{2}$ pendit; pulvis, in quem fuit redacta, tritus ruforum cinerum colorem præbuit.

S C H O L I U M.

Plumbum erat primò in hac operatione Cerussa, penetratum nempe & vapore acetii solutum, in calcem albam & dein in pulverem subtilem redactum. Solutum erat in Spiritu nitri diluto, sicque factum est plumbum Liquor clarissimus absque colore, gustu dulci, in quo redactum divisumque est in partes minutissimas. Tertiò Sal Ammoniacus solutus, qui affundebatur, expellendo Spiritum Nitri, in ejus locum substituit Spiritum Salis marini, & se intime uniendo parti plumbi metallicæ disposuit eam, quantum possibile, ad separationem Mercurii à parte metallicâ expediendam, secundum

secundum eorum, quos optime scripsisse de his rebus credimus, opinionem; separandi enim Mercurii à Metallis proprietatem sali Ammoniaco imprimis & marino attribuunt. Quartò, Calcem sic præparatam, & cum Alcali violentissimo per septem menses in digestione retentam debere Mercurium manifestum reddere visum est, absorbendo Sulphur Saturninum: Nihilominus, quamvis ignis admotus fuerit magnus, ne minimum quidem dedit Mercurii. Quintò, Massa hæc diu & fortiter trita, dein admista novo fortissimoque Alcali, & per quatuordecem menses digesta, haud præbuit ullum Mercurii vestigium. Sextò, Trita erat denuò cum novo Alcali, & per quinque menses digesta, adeo ut post omnes hasce Operationes, exposita fuerit satis Alcalici Salis actioni, ut tempus habuerit separandi partem plumbi sulphuream, & ut Mercurius hoc sulphure liberatus è massâ hac per ignis vim exprimi potuerit. Nihilominus, post omnem hunc laborem, nullum Mercurium eduxit ignis maximus.

Liquet igitur, quod de facilitate extrahendi Mercurium è plumbo audacter pronunciaverint Auctores, experientiâ haud confirmari. Plumbum nempe, aiunt Auctores isti, metallum est plurimum Mercurii continens, quod per sales resuscitantes se in Mercurium facillimè resolvit. Res igitur difficilior est in aliis Metallis. Pollicentur tamen Auctores hoc satis facilè fieri posse, methodosque præscribunt parum diversas ab haec, quam jam declaravi, & quæ post tot labores me docuit, nullatenus mihi prosperè successisse, quod promiserant. An istorum Auctorum de hac re assertiones Observationibus satis nitantur, admodum dubito. Adducor potius ut credam, eos de hac re opinioni propriæ magis cœlisse, quam experientiam compluisse.

fuluisse. Quidquid jam declaravi, ad Lectorem à labore & sumptibus harum observationum repeterandarum liberandum ad mininum inserviet, eumque impediet, ne simulata scientiæ metallicæ principia facile admittat. Optandum esset quammaximè Chemistas hosce ingeniosos & laboriosos successum experimentorum, quæ spem eorum frustraverant, fidè nobis dedisse, & operationes, priusquam eas ipsi instituissent, nunquam nobis præscripsisse: quod nostro perpetuisset tempori, sumptui, & labori, & inter Scientias suam Chemia sedem brevi obtinuisse: alioquin, nisi valde fallor, ad veritatem, quæ unica Inquisitionum nostrarum est meta, nunquam pervenietur.

III.

Isaacus Hollandus scripsit, Argentum vivum posse è Sale plumbi per acetum distillatum confecto facile extrahi: cupiens tentamen ex optimo Lithargyro & aceto vini distillato instituere, succum concretum, qui succus Saturni appellatur, parabam; uncias 2 calcinabam in vase vitro aperto ad ignem lenem à 6^{to}. Junii 1734. usque ad 19^m. Julii proximi continuatum. Albus, qui exinde provenit, pulvis vitro pistillo subtilissimè in mortario vitro tritus erat. Triturabatur velocissimè & diu, subinde affundend' o lixivium Sale fixo Alcalico violentissimo, quantum Aqua dissolvere potuerit, saturatum. In eodem mortario chartâ tecto, ad calorem à 21^{mo}. Julii usque ad 27 Novembris continuatum, retinebam. Hic quamprimum siccatus est pulvis, ut per totum illud tempus trituraretur, curabam novo affuso lixivio. Siccando, humectando, & tritando alternatim per totum illud tempus, ad calorem 90 graduum retinebam chartâ tectum. Ultimo die materiam hanc sicciam & albam in pulverem non palpandum contundebam; quem retortæ vitreæ lutatæ immissum, igni per gradus cautè aucto, donec can-

desceret Retorta, per 4 horas exponebam. Haud apparuit vel minimus Mercurii globulus, nec in Excipulo, neque in collo Retortæ, in cuius fundo reperta est Massa aterrima, levis, specie pulveris, gustu acerrimi Alcali. Die Novembri 28^o. supra scutellam vitream in cella reponebam, ubi statim madefcebat; ibique usque ad 8^m. Januarii 1735. relinquebam. Tunc vero erat hujus materiae volumen auctum, totâ parte salinâ per Aëris humidi opem in liquorem sponte mutata, parteque metallicâ in fundo sub forma pulveris nigri manente. Totum simul siccabatur, tam id, quod liquefactum fuit, quam id, quod non fuit in liquorem mutatum; & mistura hæc reperta est aterrima. Retortæ iterum immittebam vitreæ, & finem versus igne urgebam, qui totum per 4 horas candefecit. Nec hac vice plusquam alterâ apparuit vel minima Mercurii nota, nec in Excipulo nec in Retorta, in cuius fundo mansit Materies colore cinericio, sapore ardentí ignis instar, quæ Aëri exposita statim in Liquorem versa est.

In hac operatione plumbum aceto puro solutum & relaxatum, & tali modo dispositum, ut à sale intimè penetrari posset; mistum & trituratum cum Alçali fixo, caustico, liquido; digestioni expositum, putrefactioni objectum; igni violento admotum; humiditate Aëris per mensem Philosophicum dissolutum; denuo tritum, siccatum, vehementer igne adactum, nihil omnino Mercurii præbuit.

Quidnam igitur cogitandum est de hac re, & de hoc, quod circa eam adeo audacter pronuntiant homines creduli, ignavi, vel soli speculationi dediti? Operibus inutilibus, sumptibusque immodicis implicant illos, qui diligentiae in labore plus, quam Scientiæ possident, unde exosam reddunt artium pulcherrimam.

Pro-

Proficiant alii laboribus & sumptibus meis, & utantur,
ut propriis parcant.

IV.

Postquam ex propriâ experienciâ certus essem, quòd ex plumbō Mercurium extrahere Sales resuscitantes appellati modo descripto non possent; Quid ipsum argentum vivum producere hoc in casu potuerit, tentare volui; præsertim cum Chemistæ hoc fluidum vocent Aquam metallorum, in qua, aiunt, illa moriuntur, renascuntur, & pulchriora, quam antea fuerant, evadunt. Fundebam igitur in cochleari ferreo mundo unciam plumbi; calefaciebam eodem tempore in cochleari simili uncias tres argenti vivi puri. Affundebam deinde Mercurium calefactum plumbō liquefacto; commixta sunt illico simul, & massam constituerunt solidam coloris Argentei. Conterebam, & postquam eam mollem iterum reddidisse, phialæ inditam parvæ calefaciebam, & obturata dein subere phiala, ponebam in furno digestionis ad calorem semper æquabilem 84 gradium ab 11 Februarii 1732. usque ad 10 Januarii 1735: Amalgama fuit molle, pistillo butyri instar cedens, nigrescens illico, cum agitaretur, uncias quatuor pendens. Eodem die in retorta vitrea munda igni arenæ exponebam, & tandem igni suppressionis adeo vehementi, ut per 4 horas arena tota candeficeret, transiverunt in Excipulum Mercurii unciæ duæ cum 6 Drachmis & semissi. Ruber, quem in Retortæ fundo et collo inter distillandum Mercurius formavit, pulvis, et quicquid vivi argenti pauxillum collo adæsit, quique nonnulli plumbi omnino puri globuli pulveris specie adfuerunt, grana⁵² una pependerunt. Denique in fundo fuit solida plumbi Massa unam, granis 5 deductis, unciam pendens, quæ pondus supplebant Globulorum istorum parvolorum plumbi sub pulveris specie jamjam memoratorum;

unde compertum est, quòd plumbum totum remanerit, & quòd grana Mercurii 43 dissipata fuerint. Qui aliquam in his rebus scientiam possident, causam hujus Dissipationis in rationibus supra memoratis facile inventuri sunt, præsertim cùm reputaverint partem hujus Mercurii inter distillandum superficie ampli magni Excipuli adhærere; alteramque partem, nubecularum formâ, Aquæ, quam semper necesse est in Excipulum infundere, superficie supernatare.

Hac operatione didici, Mercurium ex plumbō, per digestionem Mercurii cum plumbō tres Annos continuatam, & per distillationem violentissimam, nullum posse extrahi, neque Argentum vivum per hunc modum fixari in plumbum: in distillatione enim Mercurii, parva ejus quantitas semper mutata est in rubrum pulverem, qui fixus est ad ignem hic applicatum; pondus verò plumbi semper idem remansit.

V

Eandem instituebam Operationem cum Amalgamate è 3 uncias Argenti vivi & unica uncia boni stanni factō; eidem caloris gradui exponebam per idem tempus. Deinde eodem modo ex Retorta vitrea distillabam ad eundem ignem: En qualis fuit Eventus! Ex Excipulo uncias 2 cum Drachmis 4 Mercurii recepi; in fundo Retortæ fuit pulvis, cuius pars altera fuit tenuis, & e pauxillo Mercurii fixati composita; altera fuit crassior, nigra, composita è minimis particulis, quales sunt Stanneæ. Imo collo Retortæ adhæsit adhuc paululum Mercurii: quod totum pependit Drachmas 2 cum granis 5. In fundo fuit massa solida stannea pendens unciam unam cum drachma unica & granis 9: fuit 46 granorum jactura; cuius rationes jam redidi.

Patet hac operatione Mercurium haud extrahi posse ex Stanno; sed Drachmæ 3 cum 14 granis, hoc est, plus septimâ Mercurii parte, cum Stanno uniebantur, & tam bene fixabantur, ut ab illo separari non potuerint continuato 4 horas igne, qui arenam candefaceret.

“ Non autem te lateat magnam esse corresponden-
“ tiam inter Saturnum & Lunam, quorum in medio
“ Sol constitutus est; sicuti inter *Jovem* & *Mercu-
“ rium*, in quorum medio Sol etiam consistit:” lege
in Nov. Lumin. Chem. tractat. ix.

VI.

Mercurii uncias 10, postquam probè calefecerim; affundebam 2 unciis optimi in cochleari ferreo mundo liquefacti Stanni. Triturabam totum in Amalgama uniforme, quod valdè calidum & probè siccum indebam lagenæ vitrea mundæ & calidæ, quam postea bene obturabam; capsulâ ligneâ includebam, quam caudici tudenti [pilæ] molendinæ fulloniæ continuò agitatæ affigebam, cui annexa motum à 30^{mo}. Novembris 1732: usque ad 9^m. Januarii 1735. noctu diuque passa est fere perpetuum. Auferebam tunc lagenam, quæ integra fuit, in cuius fundo repertus est Mercurius fluens; & post quietem aliquorum dierum, in superna parte inventum est amalgama duriusculum; totum pependit omnino uncias 12. Distillabam in Retorta vitrea luttata uncias 11. & 7 drachmas hujus amalgamatis, & hoc igne nudo finem versus usque aucto, dum retortam penitus candefaceret per 2 horas. Non exivit major, quam quæ immissa fuit, copia Mercurii, qui fluidissimus erat, & remansit in fundo massa stannea vitro affixa cum pauxillo materiei luteæ, quæ erat quasi foliata. Massa hæc fusibilis instar stanni erat ad ignem mediocrem; & tunc superficies aëri exposita pingebatur diversis coloribus. Massa stannea pependit unciam unam cum 6 $\frac{1}{2}$ drachmis, & affuit adhuc parva mate-

riei luteæ jam memorataæ quantitas. Certum est itaque, quòd, ope motûs per tam longum tempus continuati Mercurius non possit Stannum dissolvere eo modo, quo possit extrahi Mercurius per distillationem summo igne factam.

S C H O L I U M.

Res egregia, quam in hisce tribus Operationibus ultimis observavi, est, quod Mercurius distillando separatus à plumbo vel à stanno esset quām liquidissimus, & quòd agitatus in poculo fistili vitreato albido mundo, superficiem poculi brevi temporis spatio inquinaret, ibique relinqueret maculam nigrā admodum adhærentem. Simul ac maculam hanc chartā purā & probè siccā detergendo purgaveram, formata est alia, & illico pluribus iteratis vicibus aliæ. Hoc me induxit, ut cogitarem, id esse attribuendum parti metalli pingui, quæ inter distillandum transfivit cum Mercurio, et ab ejus superficie, cui adhæsit, tunc separata fuit. Ut de hoc facto certiorem me redderem, Mercurium hunc supra chartam albam purissimam siccissimamque expandi, cui reliquit ille tramitem levem nigrum, qua cunque pertransfivit; superficies alioquin hujus Mercurii semper fuit tecta pellicula tenuissima, quæ pinguedini similis videbatur. Ergo, quamvis per Mercurii distillationes sàpè iteratas potuerint cum Mercurio uniri aliorum Metallorum particulæ quædam, non inde sequetur, quòd ullæ particulæ in Mercurium versæ fuerint. Idem Experimentum aggressus sum, cum plumbo quod per idem tempus eodem motu agitatum fuit: quando autem volui à pilâ molendinæ amovere, per infortunium fracta est lagena, & perdita materia, non potui ad finem perducere operationem.

Experimenta hæc naturæ Argenti vivi afferre possunt plus luminis. Plura alia institui de Mercurio &

Me-

Metallis, omnino ab hisce diversa, quæ mihi labore multò majore constiterunt; ea, cùm otium fuerit, communicaturus sum.

X. ECLIPSIS LUNÆ *partialis die secundo Octobris, Styl. nov. Anno MDCCXXXV.*
Vitimbergæ Saxonum *observata à Jo. Frider. Weidlero, R. S. S.*

Hor. Min. Sec. *Temp-europ. ante Mer. D. II. Octob.*

- | | |
|---------|--|
| ○ 44 30 | Penumbra prope Schikardum. |
| 59 ○ | Initium eclipsis. |
| I 1 30 | Umbra appellit ad Schikardum. Margo illius asper est et inæqualis. Paulo post lunam nubes occultant. |
| I 15 ○ | Tycho totus obumbratur. Mox iterum lunam nubes subeunt. |
| I 25 30 | Portio lunæ obscurata nigrescit, nec maculæ per umbram telescopio ix pedum discerni possunt. |
| I 30 ○ | Umbra appellit ad Grimaldum. Jam trans umbram maculæ conspicuntur. |
| I 44 30 | Umbra totum tegit Grimaldum. Jam rubet portio obumbrata. Mox luna iterum nubibus conditur. |
| 2 25 30 | Umbra recedens attingit Lansbergium. Adhuc ejus margo asperitatem habet. |
| 2 44 ○ | Umbra appellit ad Gaffendum. |
| 3 11 ○ | Emergere incipit Tycho. |
| 3 36 ○ | Finis supra Snellium, sereno circa lunam cœlo. |